

# Elak anasir luar, tumpu kepada tujuan asal: TYT

NST 14.05.2012 11

LONDON: Kakitangan akademik Universiti Malaysia Sabah (UMS), yang sedang melanjutkan pelajaran di peringkat doktor falsafah di United Kingdom, digesa supaya tidak terlibat dengan anasir luar yang boleh memesongkan pemikiran minda dan menjejaskan tujuan utama berada di luar negara.

Yang Di-Pertua Negeri Sabah, Tun Hj Juhar Hj Mahiruddin berkata, para pensyarah yang merupakan golongan cendekiawan merupakan aset penting negara dalam pembentukan negara bangsa yang kuat.

Oleh yang demikian katanya, fokus utama berada di sini adalah untuk menuntut ilmu sehingga berjaya dalam bidang kepakaran masing-masing dan seterusnya kembali bertugas di tanah air memajukan anak bangsa dan negara.

Tun Juhar yang juga merupakan Canselor Universiti Malaysia Sabah (UMS) berkata demikian di Majlis Ramah Mesra Canselor UMS bersama Kakitangan Akademik yang sedang cuti belajar di United Kingdom.

Pada masa ini, terdapat seramai 35 kakitangan akademik UMS sedang melanjutkan pelajaran di peringkat doktor falsafah di seluruh United Kingdom.

"Kita berharap agar semua kakitangan tidak terlibat dengan anasir luar negatif yang tidak seiring dengan hasrat kerajaan dan juga membahayakan keselamatan negara," tegasnya.

Katanya lagi, kakitangan akademik universiti seharusnya menjadi contoh dan sumber rujukan kepada masyarakat setempat yang sudah se-



ALBUM KENANGAN ... Tun Juhar (duduk dua kiri) bergambar kenangan bersama para kakitangan UMS. Turut kelihatan Dr. Kamaruzaman (duduk paling kiri), Toh Puan Norlidah (duduk, dua dari kanan), dan Dr. Ann Anton (duduk paling kanan).

memangnya amat memerlukan kudrat anda semua.

Turut hadir pada majlis itu isteri TYT, Toh Puan Hajah Norlidah Datuk RM Jasni, Naib Canselor UMS Brig. Jen. Prof. Datuk Seri Dr. Kamaruzaman Hj. Ampon), Prof. Datin Seri Dr. Ann Anton dan kakitangan UMS.

BERUCAP ... Tun Juhar ketika menyampaikan ucapan kepada para kakitangan akademik UMS yang sedang cuti belajar.

